

叢書
中國地方志

華北
地方

518

河北省

清河縣志



中國方志叢書·華北地方·第五一八號

據

民國·張福謙修，趙鼎銘纂
民國二十三年鉛印本

影印

河北省

清河縣志

(一)

成文出版社有限公司印行

各級學校威縣逐年畢業人數統計表

年次	畢業人數		別					
	學	校						
高等教育	大學	專門	中學	師範	其他	高級	初等教育	初級
男女	男女	男女	男女	男女	男女	男女	男女	男女
民國紀元前			二七		三		八一	四八六
民國元年	一		四		四	一	六八	二三六
民國二年			九		二			二四八
民國三年			五		五	一	七八	二六四
民國四年			四		七	三	四七	三五二
民國五年			五		五	一	八一	五二
民國六年			三		三	六	四五	五八七
民國七年			三		三	六	一〇四	六五一
民國八年			三		三		七一	一〇三
民國九年			九		一		八一	四〇八
民國十年			七		五		七二	八七二
民國十一年			二		三		五七	五八三
民國十二年	一		八		二		一三八	八三四
民國十三年					四		九九	七七六
民國十四年					三		一五九	一〇七
統計	二	八九	七	三	十三	二六	四	三八

北
 517
 (五)
 16 16
 後表
 一

威 縣 師 範 業 高 級 學 校 一 覽 表

成立 年月	資 產		經 費		校 舍	級 數	學 生 數	教 員	校 長	學 事 學 名
	田 學	金 基	出 歲	入 歲						
民三					一七	一	四五	孫繼綽	荊樹亭	縣立師範講 習所
民十三			六九六	六九六	一二	一	九	劉芳華	高之焱	縣立職業學 校
光緒二十九年 民國紀元前 八年		三八六四	一二三七〇	一二三三六	一二二	三	一四八	劉超本 張錫珍 邢錫桂 孫繼綽	荊樹亭	縣立高級小 學校
民六		一二三九	九二五	九二八	一三三	二	二五	孫惠蘭 張羅以	胡廷濬	縣立女子高 級小學校
光緒三十年 民國紀元前 七年	五		六七四	四八〇	三四	二	九六	劉雲祥 任心洗	沙清臻	區立第一高 級小學校
民四		一四八三	一七三九	一三九五	五八	二	九八	胡霖霖 梁福愷 楊濟	李之櫚	區立第二高 級小學校
民五	一二五	九二三	六八	五二〇	四二	二	六五	李芳普 王忠信 劉天德	王永錫	區立第三高 級小學校
民十三	一〇四		一二三〇〇	一二二〇	三二	二	八三	王博文 張銳 張培基	賈萬鵬	區立第四高 級小學校

北
 517
 (五)
 1616
 後表二

清河縣志序

清河漢魏之名郡而唐宋之貝州也自金代降爲縣迄今七百餘年矣論其形勢實居平浦平漢二鐵道間東以運河界山東西通邯鄲北峙德縣南臨大名亦水陸之衝形勝之地也余奉令長此邑下車未幾適士紳續修縣志成徵序於余自慚一行作吏學殖久荒鞅掌簿書未遑致思然職責所係可無一言乎夫志乘之學清代章實齋論之詳矣以今視之猶有拘墟不盡洽於時者蓋世愈進而事日繁固當徵實紀載因時立言以期質而不佻瞻而不誣庶有以顯民生之情狀而資爲政者之考鏡空論浮文例應廓而清之今觀此志詳稽史乘備列當時之務發潛德之幽光陳利弊以勗勉諸君子之苦心孤詣昭然畢呈矣間有微疵余亦忘其禿昧畧爲籤改無礙大體之善也志載民情敦樸而好任俠余因之有感焉周禮六行任居其一孔子亦稱北方之強曾子曰士不可以不弘毅任重而道遠仁以爲己任是故任也者處乎仁而節之以義古聖

賢之至行也俠則任之流而其道不備故曰俠者狹也今世之大患俗澆漓而民詖窳誠能本天賦之敦樸行儒者之任而毋爲閭巷之俠無事則各勤其職各盡其分講道德守法律而爲良民有警則被髮纓冠保衛鄉里或執干戈以赴國難捍禦寇讐而著忠勇之節雖有隱患強鄰奚足爲害若夫男耕女織勤儉耐勞崇儒尙文士習淳美尤當擴充光大之則他日賡續此志寧不愈益人文彪炳也哉

中華民國二十三年三月署理清河縣縣長西鄉劉紹先述庭甫序

重修清河縣志序

邑人趙鼎銘

縣之有志與國之有史其事雖殊其義一而已難之者曰一字之褒榮於華袞一字之貶嚴於斧鉞別善惡昭法戒史之體例胥根據於麟經以爲標準其注意似與志劃若鴻溝安得二而一之不知史有曲直之分志亦有隱揚之義凡時代之遞嬗社會之進化其間興革變遷之迹治亂得失之故類皆直書時事不加粉飾其事雖殊其義則一且於史尤有密切之關繫志之作用不禁大哉按清河志自清光緒九年前縣長孝卿師黃太史續修後迄今五十年未克重訂及今不修再曆數十寒暑政恐典章缺殘老成凋謝有悵然於欲修而不能者況民國以還一切政見學說民意經陵谷變遷百度維新迥非疇昔可比必廣爲蒐輯詳爲記載卽年湮代遠而一時鴻爪雪泥之迹燦然大著於簡端庶信而有徵後之人考稽往事不致歎文獻之不足此固守土者之責而亦邑人士之職也迺者張訥生前縣長有鑒於茲承中央政府令催索續編知是役刻

不容緩欲前志恢廓而光大之甚盛事也爰召紳會議經衆贊成遂開局聘員分門編纂校對無訛召工排印自民國十九年十二月迄二十二年十二月而工以竣而今而後不獨地理之沿革建置之區別社會禮俗之變易與夫戶口財賦之多寡增益天時民生之情形狀況條分縷析不啻數計而燭照即一邑之鄉曲賢俊閭閻名媛不致埋沒於蓬蒿而近時之人文蔚起尤大生邑乘之光總之期於循覈名實不濫不刻下焉可以昭輿論之公亦上焉可以補國史之闕然猶不敢信爲完備尙望文人碩士援闕文闕疑之例有所原諒以匡不逮有厚望焉是爲序

盧志序

昔人云修墜舉廢凡有關政教典禮也而志書爲尤要漢以後郡縣各有志而歲久失修卽有廢墜之患如清之志始於前明孟公向公以逮國朝夏公諸老父師皆嘗有所臚補倘非隨時增訂恐篇殘簡斷闕略滋多辛有三韓盧老師父甫蒞斯邑卽奉憲檄增修故志一切風土人情條分縷晰瞭若指掌誠盛舉也然經營締造可以增光於簡冊者則有學宮圯傾修之舉棟榱橋垣而重新之建太乙閣於東園修文昌祠於左壁所以培人文之秀氣也置藥王閣於城隅葺興隆寺於西郭所以維地脈之靈長也以致奸黠除而梗頑化冤抑解而良民蘇行戶罷免矣而三鄉之市井不擾摧科寬緩矣而八社之輸將恐後德政載口碑休風醞善俗是皆墜者修廢者舉麟麟炳炳燦如日星則志書之成不足以以維政教而垂典禮哉且余嘗令浙紹之嶧其地多名山大川與清河風氣迥別然百里不同風而治五方不齊政而理治大國如烹小鮮豈割

雞遂不可以用牛刀耶清之志告竣推公之意殆欲繼自今而董是邑者務期益加整飭使衰者可以復盛廢者可以再興庶幾政教典禮有以光前業而啟來茲云余不能文而所深信於我公者如是故實言以序之康熙丁巳季冬穀旦原任嶧縣知縣邑人史欽命撰

錢志序

清河僻壤也其建置始於秦漢其後列於郡國軍州千數百年而始爲縣又百數十年而志始成蓋始前明嘉靖邑令孟君仲遴云於是官其地者若向君日紅夏君琮皆嘗有所刪補最後爲盧君士傑重輯於今亦歷四十年矣而爲志未嘗有加也嘗謂郡縣之有志猶列國之有史顧秦漢以上爲史也分若晉之乘楚之檮杌魯之春秋其時即有南董倚相邱明高赤諸人爲職志秦漢以下爲史也一則有談遷彪固之世掌其業陳范姚魏之名盡其才乘時蔚起接踵比肩而作志者闕無聞焉豈盡學識之不逮哉上無特設之局下無專守之司流官若傳舍故籍等弁髦且暮轉徙軼掌當簿書之役文獻無徵綱羅有散軼之虞吾固知其不若作史之重且專也然亦有與史相表裏者其志星野災異猶史之天官五行也其志疆域山川猶史之地理河渠也其志沿革建置猶史之封建郡縣也其志田賦風俗猶史之平準貨殖也其志學校祠壇猶史之禮

樂封禪也其志職官宦蹟猶之史有職官循吏其志選舉藝文人物兵紀之屬猶之史有儒林經籍世家列傳之綜核於無窮也夫以徑寸之管而驅使人物方尺之籍而薈萃古今其視作史者未嘗有間然前乎此者易知後乎此者難見是不得不俟夫將來者矣況此四十年間天時之變於上者凡幾人事之改於下者又凡幾過此不錄其馴至泯沒而不可考者又豈待問哉昔司馬子長作史記而褚少孫續之班孟堅作漢書未竟其妹惠昭復爲之續迄今觀者初不以先後同異爲嫌及歐陽永叔作唐書則以宋子京爲先達亟首推之而列名於後余竊爲是志亦竊取襲者史氏之義例云康熙戊戌仲夏知縣會計錢啓文撰

王志序

修志與修史異記善不記惡也續修與創修異宜詳不宜略也志不可缺續又焉容緩哉鐸嘗讀漢史至桓帝常侍單超等專權擅恣白馬令李公雲以露布上書死於囹圄魏史司馬氏作亂尙書王公經不附賊母子含笑受刑每廢書垂泣竊歎二公生同鄉死同烈非山川之鍾靈歟何以至今不振也辛未春調權清河首訪二公詞墓蕩焉無存心傷久之月餘接見紳耆論及二公事僉曰古之忠義可悲今之忠義尤可憫急問其故對云清河縣志始於前明孟公仲遴終於康熙盧公士傑殆百九十餘年矣其間忠臣孝子義士仁人官府之循良紳民之俊又加以咸豐同治兩次兵燹紳團之陣亡婦女之節烈湮沒者不知凡幾再越數十年則康熙後事實草木同腐矣鐸曰諸君之言乃守土之責也曷續之衆唯唯旋奉上檄飭修縣志因延兩廣文諸孝廉於座曰向者諸君以修志屬令今則以修志仰諸君矣衆唯唯乃開館於經正書院四閱月而志

成文必極美事必核實非復舊志之所得媿也星野之詳疆域所由定也山川之紀田賦所由明也壇廟衙署又與典秩文物之交若分途而實隱相關係也綱舉目張其幽闡乎忠孝廉節之光其顯明乎禮樂兵農之大其上表乎科名仕宦之榮其下備乎屯社村堡之細至於表奏藝文封建恩命風氣之剛柔燥濕禮俗之奢儉貞淫前牧令之德教及治鄉先輩之前言往行無不探頤索隱遠紹旁搜即或無可稽考亦必廣詢博訪以求其是雖不敢謂毫無遺恨後有作者亦不至文獻無徵矣是爲序知縣王鏞撰

黃志序

邑志之修在我朝康熙初仿於邑令盧士傑自是而後越百有九十年之久邑令王鏞重而增修之補闕拾遺有足多者然盧志雖簡愜當無可疵王志則繁稱博引不無遺爾時彙入通志已遭指駁十餘年來無有從而議修者豈非以刪定筆削較續修尤難憾乎余不才忝任是邦宰文獻不足實任其咎爰不揣固陋妄加刪改且博採邑之宿儒名流相與上下其議論務期斟酌盡善俾盧志之簡者詳之王志之繁者略之庶足質諸前人而昭示來茲也至書中記載前志論之甚詳茲不復贅焉光緒九年秋七月知縣黃汝香識

イシ集二

天津文竹齋印

重修清河縣志姓名錄

監修

署理清河縣縣長北 洋 大 學 畢 業 張 福 謙

署理清河縣縣長北京試院覆核及格河北省政別科畢業 高 禮 猷

署理清河縣縣長北京試院覆核及格河北省政別科畢業 劉 紹 先

局長

前清庚子辛丑恩正併科副榜 王 彤 甲

編纂

前清增生 趙 鼎 銘

前清保定優級師範畢業邑庠生 崔 崧

前清己酉科拔貢 楊 蓬 山